

tam pječa serbski njewuměja. W šuli so wot l. 1854 hewak ničo wjacjy serbski njewučí. Před 25 lětami rěčeše w Gózdzu hišće wjetši džěl wobydleri serbski, nětko pak je tam jeno hišće 50 staršich ludži serbskich, kiž serbski powědaju, přišedši do susodnych serbskich wsow. W Dubrawje rěča starši ludžo hišće serbski; kiž su srjedź 20—40 lět, rozumja zwjetša hišće serbski, rozmołwjeju pak so mało a z džěla jara špatnje, kaž sam słyšach; po tajkim je tam znajmjeńša hišće 80 serbski rozumjacych a z časami powědacych wobydleri. Tute powěsće poda mi Gózdžanski wučer Bězk, rodženy ze Žargonja, šedziwy potuleny starc, kotrehož skoro kóžde němske słowo jako Serba přeradží.

### XXVIII. Kólska wosada.

Do Kólskeje wosady słušeju wsy: Kólsk (Kylsk) Wjeliki a Mały (Gr. u. Kl. Kölzig), Kósmejce (Jocksdorf), a Derbn (gen. Derbna; Smol. wop. M. Dobrine, něm. Döbern). — Tuta wosada je za posleđnje polsta lět zwjetša přeněmčena, jenož starši ludžo rozumja a rěča tu serbscy mjez sobu, z džěćimi pak, kotrež serbski z cyła njewuměja, po tu a tež druhdže zwučenym wašnju němscy; wina toho su wjesni wučerjo, kiž hižo dawne časy ničo serbscy njewuča a šulskim džěćom maćeřnu rěč druhdy ze samym khostanjom zakazowachu. Šule pak su we Wjelikim Kólsku, Kósmejcach a Derbnu; w prjedawšim času běše tež w Małym Kólsku šula, ta pak bu w l. 1854 zběhnjena a z Wulkokólskeju zjednočena. Po swědčěnju šořty Jakuba je so w Małokólskej wučerňi hač do kónca wot wučerjow Schmidta a Knaby z pomocu serbskeje rěče wučilo, tola z hłowy wuknuć su hižo za jeho čas — Jakub bě wokolo 50 lět stary — džěći wšo jeno němski dyrbjaše. Tež we Wjelikim Kólsku je wučer Kóncař († 1865) hišće z džěla w serbskej rěči rozwučowaš; jeho nasleđnik Wünscher bywši prjedy wučer w Gareji, kiž tež serbski rozumješe, je pak z tym do cyła přestaš. Nětčiši wučer, rodženy z M. Kólska, rozumi hišće trochu, jeho mać pak, kiž bě při nim, powěda hišće derje serbski. — Serbske předowanje je w Kólsku na tuto kharakteristiske wašnje přestašo. Wokolo l. 1835 předowaše tehduši farař Borš hižo jenož kóždu 2. njeđzelu serbski, runjež bě tehdy wosada hišće cyle serbska. Po nim přińdže